



31. januar 2008

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Kalaallit Nunaata silaannartaani timmisartornermut aammalu Kalaallit Nunaanni mittarfeqarfinnik atuisarnermut nakkutilliineq isumannaallisaa nerlu annertusarneqarsinnaaqqullugit Naalagaaffimmi oqartussaasunut saaffiginnissallutik Naalakkersuisut pilersaaruteqarpat?

(Inatsisartuni ilaasortat Augusta Salling, Emilie Olsen, Kristian Jeremiassen, Thomas Kristensen, Godmand Rasmussen, ATASSUT)

Tunnqavilersuut:

Kalaallit Nunaanni silaannakkut angallannerup isumannaallisarneqarneranut unioqqutitsinerit pinaveersimatinniarlugit Danskis nalunaarutaanni nr. 124, 22. februar 1995-meersumi kap. 8, § 17 naapertorlugu inunnik angallassinermut atatillugu inuit, nassatat, nassiussat aammalu peqqumaatit nakkutigineqarnissaat Naalagaaffiup silaannakkut angallannermut aqutsisoqarfiata isumagisussaavaa aalajangersaavigisussaallugulu.

Danmarks Radio piviusulersaarummik aallakaatitsivoq, tassanilu uppersarneqarnerarpoq inuit kinaassutsiminnik eqqortumik ilisimatitsisimangitsut ajornaquteqanngitsumik nunatta silaannartaani timmisinnaasimasut allaallu mittarfinnut missinnaasimallutillu atuisinnaasimasut. Aallakaatitamittaaq uppersarneqarnerarpoq inuit taakku salloqittaatinik kinaassusillit tigusarinqarsimasunik angallassisartuusimasut, naak massa nunarsuarmi inuit pisinnaatitaaffii aalajangersakkallu tasunga attuumassuteqartut unioqqutikkaluarlugit.

ATASSUT-mut assut isumaalunnarpoq inuit kinaassutsiminnik siunertaminnillu isertuussillutik taamak ajornanngitsigisumik paasineqaratillu nunatta silaannartaani angalasarsimassappata allaallu nunatsinni akunnittarsimassappata.

Innersuussutigalugu Naalagaaffiup silaannakkut angallannermut Aqutsisoqarfiata akisussaaffigigaa, innersuussutigalugu nunatsinni mittarfinnik isumaginnittoqarfiup, Mittarfeqarfiit isumannaallisainikkut nakkutiginninnikkullu piginnaasaat annikippallaarsimassasut, matumuuna Naalakkersuisunut apeqqutigaarput Kalaallit Nunaata silaannartaani timmisartornermut aammalu Kalaallit Nunaanni mittarfeqarfinnik atuisarnermut nakkutilliineq isumannaallisaa nerlu annertusarneqarsinnaaqqullugit Naalagaaffimmi oqartussaasunut saaffiginnissallutik Naalakkersuisut pilersaaruteqarnerisut?

Piaartumik akineqarnissarput naatsorsuutigaarput, akissutillu ukununnga nassiunneqassasut kissaartigaarput: aus@gh.gl krje@gh.gl thok@gh.gl gora@gh.gl ekri@gh.gl kiisalu landstinget@gh.gl

Qujanaq.